

*2. B. 7.* 29.  
4  
**ORIGINES  
ACADEMIARUM**

*DISSERTATIONE ACADEMICA  
INVESTIGATÆ,*

*Qvam  
ex suffragio ampliss. Facultatis Philosoph.  
in regia ad Auram Universitate,  
MODERATORE  
VIRO Cl.*

**Dn. Mag. ALGOTHO  
A. SCARIN,**  
Philos. Civ. & Hist. Prof. Reg. & Ord.  
*PRO HONORIBUS PHILOSOPHICIS,*  
loco horisqve solitis die 30 Junii  
MDCCXXXV.


*publico examini submitte*  
**GEORGIUS WASSMAN**  
ABOENSIS.

---

**ABOÆ, exc. Joh. Kiämpe, R. Ac. Typ.**

# CONSPECTUS.

- §. I. De educatione primorum temporum agit.
- §. II. De academia, cuius originis sic vocabulum.
- §. III. In qua gente primum effloruerint societates academicæ.
- §. IV. De nominibus aliis atque aliis earundem.
- §. V. Quo seculo primum conditæ sint.
- §. VI. Quibus initia sua debeant.
- §. VII. De fine atque utilitate earum.
- §. VIII De primis universitatibus.
- §. IX. & X. Jura & privilegia academicarum pristina & bodierna tradit.
- §. XI. De Scholarum Cathedralium præcipue Aboënsis, cuius origines paucis disquirit.



S. I.

**N**on est nostrum nunc pluribus inquirere, quæ & quæ fuerit educationis ratio ab ultimis retro seculis mundi: nedum videre, num quæ illo tempore, eadem hodie quoque durent alicubi communitates, in quibus, societatis humanæ bono, literæ excolantur. Quidquid sit, illud certe dubitandum nullo modo, quin, pro ratione sui ævi, vetustissimi mortalium quoque in culturam ingenii incubuerint. maxime cum sine scientia & prudentia, gloriam recte factorum, quæ se posteritati identidem commendabiles reddiderunt, ægre

A

ac-

acqvirere potuissent. Hinc Adamum totius generis humani satorem, perinde ac reliquos antediluvianos, doctrinam suam liberis, pro schoala aperuisse concludimus. Vixit enim tam diu & feliciter Adamus, ut viderit nepotes & posteros suos omnes usque ad diluvium, solo excepto Noacho. quod tempus longum satis sine literaria institutione perperam effluxisse, nunquam nobis quisquam persuadebit, quamdiu certum manet, uti cetera creata, ita homines quoque, quo propiores erint origini suæ, tanto intellectu & ceteris dotibus animi excellentioribus, præditos fuisse. Neque eorum, qui historiam literariam consignarunt, quisquam est, qui dubitat, antediluvianis deberi natales & antiquissimum litterarum cultum. quamvis non illi, neque nosmet valeamus litem illam inter eruditos vexatissimam dirimere, utrum Adamo, an vero Setho aut Henicho earum primordia accepta sint referenda

Cai-

(a). Cainum certe in illis *hominum filiis*, uti perversæ religionis, ita ceterarum artium tantum non omnium prosemnatorem fuisse, nulli dubitamus afferere (b). Post diluvianos primos qvod attinet, pleno dicimus ore, illos, uti sciendi & sapienti desiderium penes se unum idemque sentiebant, qvod ceteri mortales: Ita cultus, & animi institutionis, ullo neque oblitos fuisse modo. De Noacho constat, qvod cum ex eluvie fatali aquarum emersisset, ad omnes tres mundi partes cum filiis suis iter suscepit, & demum, ordinis inter tres filios divisione facta, partem, quam cuique sors destinareret, colendi veri Numinis, itemque justi & honesti seminarium esse voluerit (c). Qvod vero in posteritate longa degeneres passim multisque pravitatibus detortæ mentes in

## A 2

illa

(a) Conf. Morhof. Polyhistor Tom. I. lib. 4. cap I. 10. (b) Naucerus volum. I. Generat. I. ex Josepho (c) Philo Hebreus de multiplicato humano genere.

4

illa sanctâ progenie extiterint, quæ  
terras tantum non ubique repleve-  
runt doctrinis & moribus abomina-  
bilibus; hoc nemo primo fatori, sed  
ingenii humani, post lapsū, maligni-  
tati, diabolique astutiae adscriben-  
dum penitus. Interim scholarum um-  
brae & philosophantium ~~maiestutiae~~  
olim, quocunque oculos nostros  
convertebimus, passim & ubique pro-  
stant. Quadraginta octo civitates,  
quas DEUS Levitis, apud Judæos  
destinavit (d), quid aliud fuere, quam  
gymnasia litterarum? Judicis Israe-  
litarum Samuelis scholas in Galgala,  
Ramatha, Najoth (e), quis est, qui  
nesciat? Synagogæ, ex quibus di-  
vus Paulus præ ceteris conspicuus  
exivit, institutæ, populo Judaico  
in tribus diviso (f) scholæ fuere toti  
orbi notissimæ. Ægyptios si respe-  
xerimus, scholas ibi fuisse vetustissi-  
mis

(d) Num. 35. v. 7. (e) Consul. Moro-  
hof. Polyb. stor. Tom. I. lib. I. cap. 14. §.  
2. & 3. (f) Hippas. de Synagogis Jude-  
orum.

mis temporibus iisdemque doctores præpositos fuisse scientia rerum ci- lium & naturalium instructissimos, omniū instar Moses testis est: cuius, in omni horum doctrina, excellens eruditio in scripturis apprime com mendatur. Ne vero justo diutius hisce recensendis immoremur, men tem nostram verbo aperiemus. Ni mirum inveniebantur scholæ apud omnes gentes, sed educatio atque institutio in illis raro publica fuit. Non admittebantur omnes, sine discrimine, ad disciplinam arcani doctorum istorum, sed cogebantur scientiæ omnes atque artes quasi intra familiam sacerdotum ita, ut pater filium semper institueret suum, quæ, se mortuo, institutioni aut procurationi sacrorum admotum voluit.

(g) Inde per paucos, extra famili am adicitos in disciplinam eorum, ab iisdem doctos fuisse atque ritibus illorum initiatos reperies. In Mo-

na-  
(g) Conf. Herm. Conring. de antiquis  
tat. Acad. dist. I.

6

nasteria ratio institutionis eadem,  
profligato gentilismo, translata fuit.  
Qvibus, qvancum nobis constat, lo-  
ca non facile aliquis antiquiora inve-  
niet, qvibus literæ traditæ, & te-  
nebræ, qvæ ingenia tum temp. obli-  
mare velle viderentur, exolesceret.  
Nos omissis penitus gentilium cœ-  
nobiis, de Christianis primorum  
temporum non dubitamus asserere,  
qvod in illis omnium spiritualium  
& civilium rerum institutio literaria  
olim viguerit, exiverintq; ex iisdem,  
ceu ex eqvo illo Palladi Trojæ dicato,  
non solum doctrina pietateq; con-  
spicui viri qvam plurimi, sed & vir-  
gutibus sui sexus quoq; conspicuæ  
feminæ, qvæ tueri domum, suisq;  
olim liberis inservire cum laude &  
honore possent. Aq; ex illis semi-  
nibus ceu particulis primordialibus  
academiæ & lycea nostri ævi flo-  
rentissima sensim emerserunt. De  
qvibus, qvatum brevissime potero,  
in seqventibus agendum.

Vocabulum Academiæ, qvi deducunt ab Academo, vel ut alii scribunt: Hecademo, viro locuplete Atheniensi, qvi suburbanum nemus suum in publicam scholam Platonis concessit, cum veteribus historiæ literariæ scriptoribus, & præcipue qvidem Laertio (a) consentiunt recentiores. Ut enim non pri-  
scis neqve hodiernis ballatoribus infreqvens est, terris, qvas occuparint, ad duraturam rei gestæ memoriam, nomina sua imponere; ita qvæ olim, peculiari appellatione, proximis vix cognita fuere loca, a literis & earum instauratoribus ad perennem nominis claritudinem identidem adspirasse legimus. Intērim aliorū, de etymologia vocabuli illius, sententias, aut verius conjecturas neqve rejicimus. Sunt illæ omnes ingeniosæ & studiis dicatam pubem officii sui ad munditiem (b)

<sup>me</sup>  
 (a) lib. 1. & 3. de vitiis Philosophorum. (b) Michael Schwinner de omnium facultatum Profess.

medelam animi (e) præstantiamque  
(d) sibi aliisqve conciliandam appri-  
me commonefaciunt. De insigni-  
bus & symbolicis societatum acade-  
micarum cognominationibus ab affe-  
ctu, exercitio, fine, loco & conditione  
derivatis, multis hic agere non va-  
cat: maxime cum quantum aliis  
collegia ipsa placent, tantum nomi-  
na, qvibus identidem magnificis  
insigniuntur, displiceant, ceu am-  
bitiosa nimis, & a theatrali qvadam  
ostentatione haud procul abhorren-  
tia.

### §. III.

**D**isqvisituri ulterius, apud qvas gē-  
tes academicarum: societatum  
primordia sint investiganda, nulli  
dubitamus Græciæ & qvæ in illa  
urbs erat potissima, Athenis, uti mo-  
do diximus, instituti illius gloriam  
præ ceteris vindicare. idqve consen-  
tientibus gravissimis historicis, qui  
præ aliis de genere humano meritam  
esse hanc urbem: suamque usqve  
adeo virtutem, sapientiam atqve fa-

cun-

(e) Auct cit. (d) Vestius de Acad. vid.

cundiā in æternitatis delubro conse-  
crasse testantur, ut nulla eam ætas  
ignoratura sit. Illa philosophos &  
historicos & oratores, fortissimos  
belli duces nec non artifices produ-  
xit summis præditos ingenii & ma-  
ximis operibus illustres. Ita ut de  
urbe hac urbium non præter rem ju-  
dicasse videatur Hebræus sapiens :  
*Quod mens est animo, hoc in Græcia*  
*quoque Atbenas esse.* Ex ipsis fontibus,  
ceu rivuli promanarunt: Alexandri-  
num, Ptolomæorum regum Μυσεῖον,  
qvo nit simile aliquot post seculis &c. con-  
stitutum fuit: & qvæ grammaticæ,  
rhetoricæ atqve philosophicæ scholæ  
post non ita multos annos, Romæ  
effloruerunt. qvas licet pro barba-  
ris Græci habuerint: non dubita-  
vere alii tamen Græcis præponere;  
saltem asseverare, qvod cum Græ-  
cis de principatu non infeliciter æ-  
mulatæ sint. Ceteras academias il-  
lorum temporum, ut nunc attinga-  
mus, non opus esse existimamus.  
Nam qvotqvot illarum invenimus,

per

per intercapelinē longā temporis, à cōditione scholarū nostrarum mula-  
tis parasangis abfuerunt. Non sala-  
ria publica docentibus subministra-  
bantur, nulla jurisdictione eis com-  
petebat. Neqve potestas illis ali-  
qua facta fuit compellendi & eradi-  
candi e vulgi animis falsas opinio-  
nes, qvas de DEO & ceteris rebus  
auditores identidem fovere possent.  
De cetero nulla in facultates, alias  
atqve alias, distributio scientiarū, ne-  
qve, qvæ nunc certarum facultatum  
certa sunt studia, in illis lyceis pro-  
ponebantur. Quid multa? Varia  
omnino fuit conditio atqve status  
scholarum tunc temporis. Nunc  
suppeditabant imperatores docenti-  
bus necessaria, nunc iterum detra-  
hebant. Hic scholarum publicarum  
patronus, ille osor fuit, donec tan-  
dem in orbe Christiano invaluere  
societates academicæ, ibique alio-  
rum more institutorum civilium,  
cum republica, cui adhærere cœpe-  
runt, plane convaluerunt.

## §. IV.

**C**hristiani vero, qvibus appellatio-  
 nibus academias aliis atqve aliis  
 temporibus insigniverint, scire lu-  
 bet. Certe Universitatis atqve A-  
 cademiæ vocabulum apud illos se-  
 culo XIV. nondum receptum fuit.  
 qvemadmodum ex diplomate fun-  
 dationis academiæ Heidelbergensis  
 illud non obscure apparet: ubi ab  
 institutore piissimo nova societas  
 literaria STUDIUM vocatur, & stu-  
 diosi scholares. Clarius tamen id  
 ipsum adhuc cuique patescet ex re-  
 scripto Cæsaris Maximiliani I. qvo  
 petitioni corum, qvi academiam  
 Francofurtensem instaurare vole-  
 bant, in hanc formam suffragatur:  
*Nos inquit, ex liberalitate nostra re-  
 gia (potiora tantummodo profere-  
 mus) concedimus in oppido Frankofore  
 generale studium extrui, tam in sa-  
 cra Theologia quam in jure canonico  
 & civili, artibus & medicina ac qua-  
 vis alia licita facultate, sicut in aliis  
 generalibus studiis &c. Posteaquam  
 vero*

vero universitatis atque academia nomina inter Christianos usurpari cœperunt, ceu vocabula æqvipollentia, sine discrimine notabili a liqvo adhibita fuisse invenire licet. qvidqvid dissentiat sancta illa sodalitas Jesuitarum Italica, quæ hujusce generis societates litterariæ nonnullas saltem, præcipue vero Pontificias universitatum nomine dignari voluit, ceteras tantum non omnes academiarum nomine solo contentas esse jusserunt. Vocabulum vero universitatis quod attinet: ideo nomine isto venire estimamus suprema Musarum tecta, quod vel auctoritate publica summi magistratus constituta sint, vel quod bonis tantum non omnibus in illa sacraria aditus publice patet, vel quod universæ pro sint civitati, vel deniqve quod universæ inibi disciplinæ, quæ perfectionem id est, pulchritudinem & felicitatem vitæ humanæ respiciunt, tradantur, excolantur. Ceteras, quæ exemplo & æmulatione veterum, nostri zvi

umbris privatorum hominum potius, quam auctorati publicæ debentur denominationes, sicco pede transeo.

S. V.

**N**ON minus difficulti itinere progressiuntur rei litterariæ proceres in <sup>illis</sup> academiarum originibus investigandis, quam politici speciales in primis initiosis regnorum. Tot etenim tantaque sententiarum, hac in re nobis se objiciunt divertia, ut nesciamus, quid dicamus, quamque sententiam ceu verissimam tuosamur atque amplectamur. Intesim studebimus, quantum poterimus, ex illa sentientium diversitate certum aliqvid exploratumque elieere. Academias ante seculum decimum tertium conditas fuisse, nemo, qui attentiori oculo historicos inspexerit, facile dixerit (a). Hinc omnia illa, quæ pro adstruenda majore vetustate academiarum ab aliis atque aliis afferuntur, re-

feri-

(a) Conf. Conring. de antiquitat. academ. disser. III.

ferimus inter conjecturas jure me-  
ritoqve. vel qvod confundantur ab  
ipsis scholæ , qvæ juxta monasteria,  
jussu Caroli M. atqve filii ejus Lu-  
dovici pii passim & ubiqve exstru-  
ctæ fuerunt. Qvicqvid igitur de re  
litteraria, nono & qvæ antecessere  
seculis, magnifice exculta differitur,  
illud non de academiis accipien-  
dum , sed scholis modo memoratis,  
qvæ cum superbientibus tecto opi-  
busqve monasteriis surrexerant, in  
acceptis referendum. (b)

### §. VI.

**Q**vorum nutu institutoqve , prin-  
cipiumne an vero pontificum  
auctoritate, academiz primū condi-  
tæ sint, porro inquirendum venit.  
Ne vero difficiles & obseptos la-  
queis exitus singere mihi videar,  
ubi nulli sunt, pontificibus nata-  
les suos debere res ipsa non obscu-

(a) Conf. Conring. de antiquitat Acad. dissert III. (b) Gundling. Hist. litter.

re loquitur (*a*). Non puduit illos, hoc in negotio, sicut in aliis plurimi, exercere rapinam solitam majestatis summorum imperantium. Et nescio, quo religionis zelo ferantur illi, qui nimium quantum in id nervos suos intendunt, ut ostendant hierarchis illis, iisque solis, non regibus jus illud deberi universitates condendi (*b*). Certe si attendere vellent illud, quod inter magna moralia civilis doctrinæ omnes referunt, nempe academias instituendi & conservandi potestatem, non ultimam constituere partem regalis majestatis, adeo certe non inconsideranter pontificibus tribuerent illud jus, quod ignorantia veri rectique sibi tribuit, & denique absurdâ pietatis professio de facto occupavit. Quod si enim studia in academiis perficienda atque exornanda nomen olim dederint societatem

(*a*) Joh. Freinsheimius in lib. de Elector. & Cardinal. præcedentia §. 26. p. 3.

(*b*) Matth. Stephanus de jurisdict. lib. 3. part. II. cap. 12.

cietatibus hisce, quemadmodum a nobis modo dictum fuit: Si interficit quantum maxime civitati, ut illi, qui e scholis præficiendi sunt aliquando muneribus sive civilibus sive ecclesiasticis, gnaviter & prudenter opus suum faciant, neque fratum illorum ptochotytannorum instar, desides sedeant ad aliena pabula: quis non videt Principum illud esse quam maxime, ne quam calamitatem sentiat fundus academiarum? maxime cum qualis ibi facta fuerit sementis, talia quoque frugum existant incrementa & tempore messis, fructuum perceptiones. Neque enim, nisi ægerrime, homines in civitate aliter se gerunt, atque ut in universitate edocti fuerint (a).

## §. VII.

(a) Auspicia academicarum societatum Pontificibus Rot: in hac §. tribuimus Non negamus Fredericum barbarosam imperatorem, ejusque nepotem Fredericum II. institutionis literariae: hujusque, in Imperio suprema Legis: AUTHENTICÆ auctores, fundato-

## §. VII.

**F**inem . qvem Pontifices sibi pro-  
ponebant liberalitate illa sua, in  
concedendo academiis qvæcunque  
privilegia , nullibi fuisse invenimus,  
ut studia bono publico utilia pro-  
moverentur, sed ut per illa sibi ca-  
verent, ne pietatis suæ utilis, adeoque  
proprii commodi jacturam aliquan-  
do facerent. Hoc in ceteris suffici-  
enter satis Heuman (a) testatur, sic  
de academia Parisiensi scribens: *Ne*  
*forte arma, in Papæ regnum aliquando*  
*converteant scola Parisiensis, ille sapien-*  
*tissime providit. scholam illam summis*  
*ornans privilegiis, at simul regi ereptam*  
*suo subjiciens imperio. Et miramur,*

## B

qui  
resque vulgo baberi. Sed quibus non i-  
gnorare sunt artes, illius ævi, Pontifi-  
cum, quod Capitis sibi partes vindicarint,  
brachii vero honorem, pura o-  
nus exequendi decreta Clerci, seculari  
potestati reservaverint: quæ ecclesiæ, quæ  
principum in constituendis academiis au-  
toritas fuerit, non ægre dignoscere.

(a) §: 36, cap. IV. Conspect. reipubl. litt.

qui potuerit Papa tam callide in hac  
re adornanda procedere. Postquam  
enim *per asato capite satellitium sacrum*  
*illud sibi circumposuisset*, & rubra  
toga induisset, ut quam alii, magis  
illa cohors cogitaret se paratam esse  
debere, etiam morti pro libertate ec-  
clesiastica vitam exponere, academi-  
cum quoque cœtum, & in scholis  
creatos magistros atque doctores in  
eādem classem ducere studuit, ut u-  
nitis viribus vocibusque fulminatrix  
utraqve legio intonaret, & contra  
quoscunqve insultus, in illum vice  
*DEUM factos*, conclamaret, Verum  
quid accidit? *Providentia Divina*, pro-  
ut academiae conditæ sunt, licet in-  
stituto hominum minime bono ab i-  
nitio: ita per eandem quoque effe-  
ctum est demum, ut præ aliis, acri-  
ores hæ ipsæ, tyrannidis religiosæ  
hostes evaserint. Earum enim, cum  
Pontifices in id cogitatione omni in-  
cumberent, ut non solū vulgus reti-  
neretur in errore suo, sed & ne uqvā  
reformationis opus saniores Christi-  
anorum aggrederentur, opinione  
citius

cius industria effectum fuit, non modo ut regni tenebrarum postes & columnæ dejicerentur, sed & pristinum *naturale* suum sibi libertas civilis & litteraria *jus* postlinio vindicaret. Lutherus certe parum doctrina sua effecisset, ad minimum non diu stetisset disciplina ejus, ni academias tum jam fundatæ essent, eademque suas ipsi manus in tam gravi & heroico opere provehendo, præbuissent.

### §. VIII.

**E**sset heic ampla occasio omnes in orbe academias perlustrandi, ostendendi que qvis fundator fuerit, & auctor uniuscujusque & quando deniq; erectæ sint: sed cum illa partim supra facultates nostras posita sit opera, partim quoque temporis angustia non permittat prolixitatem, sufficiat nobis quasdam tantummodo, easque claritudine nominis senioque venerabiles per transennam saltē intueri. Eminere in ceteris omnino existimaverim academi-

miam Parisiensem. Certe si non antiquitate & præstantia ceteras omnes antecellit, gloria institutionis saltē commerciique litterarii, in illo olim emporio freqventati, ceteris ne minimum quidem cedit. in primis si, quod in annalibus solidæ fidei traditum invenitur, amplius triginta millia uno tempore inibi studii vacaverint. (a) Visitata hæc academiam olim tam a Svecis quam Fennis creberrime fuit, cum nulla, saltem non nisi lineamenta quædam prima rei litterariæ penes nos jacta fuerint illis temporibus, quibus Parisiense studium commune Horuit magnifice. Scilicet, quod de Constantinopoli nondum expugnata perhibet Aeneas Sylvius, quod satis doctus haberi nemo posset, nisi in illa urbe quis in literis vixisset diutius: illud Parisiensi universitati quoque iusfragium publicum multo ante datū fuit, nempe doctrinæ cum omni nomen nemine tueri potuisse, nisi in Lutetiae luto ali-

qvandiu hæsisset, ibiq; inanibus præceptionum & superstitionū mentem suam corrūpi passus fuisset. Et qvod ad gloriam nostræ gentis ejuscemodi, non parvum facere existimaverim, ipsos Fenninigæ nostræ præsules unum alterumqve honore sceptri & jurisdictionis academicæ Parisiis olim functos fuisse legimus. (b)

Qvanti vero reges atqve cæsares, ut nil de pōtificibus Romanis loquamur, hanc academiam Parisiensem fecerint, qvivis facile deprehendit, cui volupe fuerit attendere, qvod non solum primum locum rectoribus ibidem, præ ipso nuncio Apostolico concesserint, sed & ipsam primogenitam regis filiam appellarint (c). Verbo: digna fuit illa academia qvoqve tanto honore. Universa enim Europa hoc olim unicum habuit eruditæ virtutis seminarium, ut merito mater omnium ceterarum

uni-

(b) Conf. Mess. Scond. illustrata, skron. Ep. Ab. Justeni. (c) Conring. de sua siguit. acad.

universitatum vocari possit. Excipit hanc Bononiense studium in Italia, ob instituta non uniusmodi egregia atque praeclara, celeberrimū. Floruerunt ibi studia fœcunditate tanta ingeniorum, ut non viri modo docti, sed & feminæ ingenii laude præstantes, & olim & hodie ad gradum doctoratus, in illo identidem adspirare perhibeantur. Inveniet hanc academiam quisque, a plusquam decem millibus studiosorum olim frequentatam fuisse (d). Huic fœcundæ matri, ut corporis sui rudimentum debet Upsaliensis academia, ita varietate multa ingeniorum studiorum que suos hodie fasces adeo non longe submittere matri suæ, usus ipse rerum pulcherrime testatur. Pragensis Bohemorum universitatis laus, quamquam antiquitate, cum nominatis duabus non certet: latissime tamen usus illa suos quoque famamque, olim magis quam hodie, per orbem diffudit: viris ex illo Charitum Pie-

(d) Morhof. aet; Conring.

Pieridumque sinu nullo non tempore prodeuntibus, qui ecclesia & civitatis fata laute & ambitione dispensarint. Sufficiat nostrum olim Abensem episcopum & nomine & re *Magnum Tauratum* nominasse, qui cum Hermanno Hassiae Landgravio, eodem fere tempore vixit Pragae, & cum togatae virtutis heroe isto quoque, titulo & corona philosophica ibi condecto ratus fuit.

### §. IX.

Ulra & privilegia academicis societatis certa tam docentibus quam discentibus, haud secus atque aliis collegiis, olim tributa esse, & hodie quoque competere, indubie inter omnes constat. Eadem, ut supra foundationem academiarum, a sola derivamus suprema maiestate. Illius auspicio auctoritatique dispositio disciplinarum in certas classes, & quæcum illa, olim magis quam hodie, cohæret docentium existimatio civilis secundum facultates, in solidum debetur. quamvis, ut cetera alia multa

multa ad rem litterariam pertinen-  
tia: ita ordinis hæc quoque series  
*Papismum caussam* sui remotam agno-  
scat. Et cujus instituti, cum sine  
sufficienti ratione nil fieri possit,  
*hanc caussam* subnectit Freinsheim-  
us: *Ne miremur, inquit, si maxime*  
*honorarint illum ordinem Pontifices, in*  
*quo ipsi honorabantur.* *is autem Theolo-*  
*gorum vocabatur. Juris civitis nulla dum*  
*erat notitia, Pontificium obtinebat. bu-*  
*jus ergo professores, jure suo locum pro-*  
*ximum nacti. Nec sparsi medici pote-*  
*rant. Philosophia, quæ tum erat in usu,*  
*nil habebat eur de primatu contenderet.*  
*Civilem prudentiam non doceri, papæ in-*  
*sererat. Eandem ob caussam jacebant bo-*  
*nae literæ & studium historicum. Post-*  
*quam emersit vera philosophia, jam oc-*  
*cupatus erat locus, & secundum legem*  
*convivalem sedes incommodiores decernun-*  
*tur tarde venientibus. Inde vero palma-*  
*rium, quod academicis hodienum*  
*superest, privilegium honores, gra-*  
*dus, atque præmia conferendi eru-*  
*ditæ virtuti, promanavit. Quando*  
*vero*

vero & in qua facultate hi honores  
atqve gradus primum cōferri cœpe-  
rint, majoris omnino indaginis res  
est, aliis seculo XIII: aliis *Lotbarii*  
imperatoris sub regimine, eosdem  
in Gallia præcipue atqve Italia pri-  
mum tribui cœpisse contendentibus.  
Illud interim certum est, tantum o-  
lim fuisse studiis & honoribus illis  
æstimium etiam a principibus tribu-  
tum, ut neqve facile illustribus per-  
sonis fas fuerit præfecturam aut a-  
liam in republica dignitatem capes-  
sere, nisi generis nobilitatem il-  
li qvoqve cum nobilitate animi  
& literarum ornamentis istis con-  
juxxissent. Inprimis vero in philo-  
sophiæ nominis atqve facultatis ho-  
norem illud nullo modo prætermi-  
tere possumus, qvod ante multo,  
qvam distributio in classes & facul-  
tes pontificia illa invalesceret, *Pbi-*  
*losophi* cognomen toto orbe celebra-  
tissimum fuerit atqve antiquissimum,  
neqve *Themidos* sacerdotium modo  
nomine & honore isto venerit, ve-  
rum

rum *sacerorum* flamines etiam: testimoniū de veritate rei illius ipsis quoque *Russis* perhibentibus, qvi de Svethiæ rege *Magno Nigro* ( nostris *Emet* dicto: ) memorant, qvod ad ipsos *PHILOSOPHOS* miserit, qvī cum Basilio A. Episcopo eorum, super religionis capitibus confligerent (a). Neq; alia facile causa proferri potest, cur in illo monopolio Christiani ævi antiq;issimo literarum, puta Parisiensis Academiæ, nisi *Philosophus* hodie neq; ad magistratum academiæ adspicere possit. Philo-phiæ professio, ut tantum non sola in academiis viguit olim: ita gra-duum, promotionum rituum & so-lemnitatum tantum non omnium primordia sibi vindicat. Prima ita-que promotio philosophica facta est *Lutetia* vel *Bononia*. ( variant de au-ctoritate istius instituti scriptores, cui p̄z altera debeatur) anno 1110. Hinc ad theologicā facultatem mos idem promovendi profluxit, tempo-re qve Lombardi Lutetiæ ceteris ri-tibus

(a) *Conf. dissertat. de Usreg.* p. 17.

tibus & privilegiis academicis pri-  
mum accenteri cœpit (*b*) ita ut po-  
testatem eandem sibi vindicaverit  
postea quoque theologorum ordo  
magistros five doctores in sua facul-  
tate creandi: idque seculo, uti con-  
stat post natum Salvatorem, XIII. (*c*)

### §. X.

P'æterea, uti non omnes optimis  
sunt moribus, qui studiis optimis  
nomina sua dederunt, neque singuli  
ita se gerunt, ut honore præmiisque  
digni censeantur; ita imperio & le-  
gum disciplina ad obsequium cives in  
hac quoque societate adstringuntur.  
Quale vero sit illud imperium, quod  
inter academicos jam olim viguit,  
si interrogaveris, vix aliud, quam  
quod mixtum fuerit invenies; in illis  
Europæis saltem Lyceis. Interim non  
negamus, quin inventæ quoque fue-  
rint Universitates passim, in quibus  
merum obtinuerit imperium (*a*).  
Ex

(*b*) Gundling. (*c*) Conring. cit. lib.

(*a*) Vindebonensem, Ingolstadiensem,  
Tubingensem, Gryphisvaldensem & super  
omnes alias Germanie, antiquissimam ce-

Ex hoc vero imperio exorta est iurisdictio in studiosos, quæ olim fuit penes magistratum politicum, nunc vero tantum non ubique penes ipsos Patres Academicos est. Nimirum postquam illa à Friderico I. instituta fori optio, propter juventutis, uti videtur, lasciviam, in abusum vertisset, flexa ad presentem necessitatem Authentica, totam jurisdictionem Doctoribus & Magistris concedere ac adductius regimen instituere convenientius visum fuit: ita ut in posterum non licuerit studentibus aliud sortiri forum, quæ academicum, nisi excidere jure suo, privilegiisq; vellent. cuiusce vero in evāgelicis civitatibus vetustissimi moris sanctimoniam, nostro ævo, sublatum ivere nonnulli, qvi, exploso veteri fidei dominatu sacro, hoc quoque institutum vetus ad prætorianos curiæ romanae purpuratos relegatum voluere. Ve-

rum  
leberrimamque Heidelbergensem sum-  
mum vitæ & necis in omnes sibi subjec-  
tos jus habere, quod ne principis quidem  
ipsius auctoritate infringi possit, Horni-  
us auctor est.

rum de his satis. Nos certe in ceteris privilegiis familiam ducere estimamus immunitatem a foro communi isthanc, & quæ eadem non minor est, immunitatem a publicis oneribus. quærum uti prior auctoritatem munieris eximiam patribus ipsis præstat: ita posterior efficit etiam, ut difficillimis reipublicæ temporibus securæ literæ, in spe & silentio suo adolescere queant.

### §. XI.

**S**Cholas quū videamus juxta sedem episcopalem atque cathedram ferre ubique exstructas, non male nos facturos fore censurus, si verbo saltē ejus etiam instituti meminerimus. Mos iste laudabilis initium suum debet ætati & providentia Caroli M. ejusque filii, cuius jam ante mentionem fecimus, Ludovici pii, qui jusserunt ejusmodi scholas, quæ deinde *cathulares* nuncupari cœperunt, ob generale magis studium & demum amplitudinem dignitatemque, qua hæ præ ceteris pollerent, in omnibus ecclesiarum societatibus: puta

puta abbatiis & episcopatibus condi-  
atqve constitui. Qvanto vero usui  
hæ ipsæ fuerint nullo non tempore,  
exinde facile colligitur, qvod ex il-  
lis, ceu ex eqvo Trojanø, freqvener-  
ter & assiduo exiverint juvenes pri-  
mum, mox robora sapientum viro-  
rum qvi aliis atqve aliis reipubl. par-  
tibus usu cum eximio honoreq; præ-  
positi fuerunt. Id qvod testatur satis  
superqve in ceteris hodienum *Aboënsi-*  
*ss* hæcce schoła, qvæ a multis re-  
tro seculis nobilissimum, & donec  
pietate atqve munificentia *GUSTAVI*  
*M.* regis, primum *Gymnastica*, mox *A-*  
*cademica* societas instauraretur, pro-  
pe unicum *Fennigie* aut si mayis *O-*  
*sterlandiæ* nostræ seminarium fuit.  
Cujus initia licet sint obscuriora no-  
bis: non dubitamus tamen, institu-  
tionem seu potius incrementa & pro-  
pagationē, mirificam illius tribuere  
*Præfuti* illi, cui ceu alteri *Josepho* can-  
onicatuū & institutionis literariæ sum-  
mam, ornamenta tantum non  
omnia, & deniqve veteris ævi me-  
moriam *Fennigia* debet, *MAGNO O-*  
*TAVASTIO*. *Just. Ch. Ep. Ab. p. 72. & 83.*